

T 9299/0438

65

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

圖書編卷之五十八

南昌後學章潢本清甫編

哈佛大學漢和
圖書館珍藏印

萬里長江圖總叙

水之大者莫大於四瀆江淮河漢是也淮漢之源在中
國境內故其流短惟河源發於崑崙之西江源亦發於
西戎故其流長然則中國之水源皆自西而來乎西方
兌金爲承母水皆發源於西者其金生水之義乎河
由西而北而東入于海江由西而南而東入于海然則
海固江河之會而江河其殆南北兩大經絡所以會四
方之水而歸之海矣乎江源發自岷山固屬之蜀也雲

南之金沙江來自西番而會于蜀江蜀果足以盡江之源乎即如江西之水其大派數支其流長餘二千里會于九江即江西而湖廣四川可推也是圖也特記江之大勢云爾安足以盡江之源委乎若江防一節近日南直隸可謂密矣而盜賊即為之斂跡在他省獨不可倣而行之乎噫江防密明江中之盜熄海防密則海中之寇寧河防密則漕河之舟楫利古今法制其在典冊而按圖可考要在得人以行之耳故曰其人存則其政舉

萬里長江圖







瓦屋山

月峯

眉山

萬壽橋

吳石縣

嘉元州

石油江




捷為縣

九頂山

大佛像

大渡河

此水自崖門州
會大渡河穿夷
界十山俱合於
此



宣化縣

台

台

叙亭

叙州

台

台

台

馬湖江口

自叙州馬湖江
諸水俱合於此

保子山寨

瀘州

瀘州江谷


長寧工人

自瀘州
內江諸
水俱合
於此

山門寨山

塗山

禹廟





青草峽

合江縣



馬肝峽

江津縣



洪山



春酒壑

鄰山鄰水谷

自重慶府嘉陵江與利閬
果合等州諸水俱合此

嘉陵江合


張飛廟



白涪州黔江
所受南夷諸
水俱合於此

涪州

黔江
合



武寧縣

望夫山

平都

豐都觀

中州



中岩洞

中顯廟

自萬縣開
江道開達
等州諸水
俱合於此

萬州


下岩寺

永安縣

飛鳳山


南鄉峽

夔州府



勝已山

王巾山



艷頭堆

龍脊灘

八陣圖

寧江井丁

報恩寺

琵琶峯

白崖山

赤甲山

瞿塘峽

白帝廟

白帝城



南陵

南陵八
百盤

施州
運倉

福石村

巫山縣

枕官

馬餘鎮

凝真觀

鐘

十一峯


巫峽

北石村


巴東縣

歸山

卧牛山




假十二峯



圖畫

卷五十八



圖畫

卷五十八

公安縣

台台台台台

林定樓

沙市

荆州府


台台台台台

岳州府

台台台台台

岳陽樓

自洞庭所
受湖南北
諸水俱合
於此





漢口所受
興元諸水
俱合於此



通濟口

崑山

礮口

巴河諸
水俱合
於此

雪堂

黃州府

東坡樓

蘄州


捲雪樓

南池

昭勇祠


海浦

九工府



廬山


太子障



大孤山


娘娘廟

江寺





鄱陽湖
所安江
西諸郡
水俱合
於此



桑海

小孤山

磨盤洲

彭澤縣

馬當山

馬當南台

東流縣

台台

祝家磯


蝦磯

鴈汶

池口鎮

那又石

皖水所受淮西諸水俱合於此



東流縣


東流縣


卷五十五



九華山

池州府





東糧山

萬石倉


西糧山


白鶴灘


采石磯

慈湖市


望天山







東陽



落帆石



方山

去聲寺




龍灣

石頭城

半山寺


蔣山



龍女祠

長蘆





江源

江出岷山其源實自西戎萬山來至嘉州而沫水自雋
 州合大渡河穿夷界十山以會之至叙州而馬湖江會
 之又十五里而南廣江會之至瀘州而內江又自資簡
 會之至重慶而嘉陵江自利閬果合壽州會之至涪州
 而黔江合南夷諸水會之至萬縣而瀾江水自開達等
 州會之夫然後摠而入峽是江自峽而西受大水凡八
 及出峽而下岳陽則會之者洞庭湖所受湖南北諸水
 也又自是而下鄂渚則會之者漢口所受興元諸水也
 又自是而下黃州東四十里則會之者巴河也又自是

而下凡江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是以自峽而東又受大水凡五畧計天下之水會于江者居天下之半其名稱之大而可考者凡十有三故曰江源其出如甕而能滔滔萬里達海所受者衆也嗚呼問學者可以觀矣

江水經行郡邑

江水自四川成都府茂州岷山發源西南至威州轉左川過而東南至灌縣過金口至新津縣合皂江水入叙州府宜賓縣與馬湖江合東北入瀘州合江縣至瀘州東北入重慶府巴縣經涪州合州黔江忠州入夔州府萬縣雲安奉節經瞿塘峽入湖廣荊州府歸州出峽入夷陵宜都枝江公安石首入沔陽州過雲夢澤入武昌府嘉魚縣經江夏縣東會漢水南過武昌縣入岳州府巴陵縣過洞庭湖東至武昌府咸寧縣東歷江西九江府德化縣合南康府星子縣鄱陽湖今南直隸安慶府懷寧縣入池州府東流縣北流又折而東歷李楊河中梅根口銅陵縣東入大平府當塗縣入和州爲橫江入應天府上元江寧入揚州府經儀真歷泰州經常州府江陰縣

江南江陰江北泰州

經蘇州府常熟縣至揚州府通州入

海

江南常熟
江北通州

江源總論

水必有源而源必有遠近小大不同或遠近各有源也則必主夫遠或遠近不甚相懸而有大小之殊也則必主夫大縱使近大遠微而源遠流長猶必以遠為主也况近者微遠者大乃主近而遺遠豈知源之論哉是故古之言河源者皆曰出崑崙山北陬而東行又曰河有兩源一出葱嶺一出于闐不知崑崙為正源三河合而東過蒲昌入中國自臨洮寧夏流至延綏山西兩界之山夫崑崙特河之流送過其山麓耳非河之源也迨元窮河源使都實出西域自河州行五千里抵星宿海則是言河源者至元始得其真焉言江源者則不然謂江水出岷山東南至天彭山又東南過成都郫縣又東南過陽江又南過嘉州犍為縣又南過戎州夔道縣又東南過巴郡江州縣又東過涪州忠州萬州言中國之江水信得其源矣然岷山在今茂州汶山縣發源不一而亦甚微所謂發源濫觴者也及閱雲南志則謂金沙江之源出于吐蕃異域南流漸廣至于武定之金沙巡司經麗江鶴慶又東過四州之會州建昌等衛以達于馬湖叙南然後合于大江趨于荆吳又緬甸宣慰司志謂

其地勢廣衍有金沙江闊五里餘水勢甚盛緬人恃以爲險夫以緬甸較之茂州其遠近爲何如以汶山縣之發源甚微者較之緬甸闊五里餘者其大小又何如况金沙江源出于吐蕃則其遠且大也明矣何爲言江源者止于蜀之岷山而不及吐蕃之犁石是舍夫遠且大者主夫近且微者以是論江之源吾不知也是故合江河二源言之火墩腦兒卽華言星宿海在吐蕃西部犁石亦吐蕃地也吐蕃廖廓總屬西方河之源發于正西轉西北由積石入中華又北過虜境轉東北流過西山東至南直隸地方正東入海江之源亦發於西轉西南入中華過雲南諸郡南流過四川馬湖合大江轉東南荆吳至正東入海今江河二口之入東海者相距不過二三百里皆在正東則二源發於正西者當亦不甚遼絕以方求之西兌金也金乃水之所從出理或然歟或曰水必發源于山崑崙崙山之最高廣者岷山亦高山也江源何爲不祖岷山而祖犁石卽曰星宿海有泉百餘竇從平地泡出非山也何獨疑犁石未必非高山乎安知今之主江源於岷山者無異昔之主河源於崑崙乎唐薛元鼎所探河源自以爲過漢張騫矣安知今之所謂江源出吐蕃犁石者非唐之薛元鼎而尚未得

夫星宿海乎姑卽江水來自西番者以俟真知江源之君子云

記入蜀江山

六月過荆門十二碛皆高崖絕壁巖岩突兀則峽中之險可知矣過碛望五龍及鷄籠山差我正如夏雲之竒峯荆門者當以險固得名碛上有石穴正方高可通人俗謂荆門妾也晚至峽州泊至喜亭峽門在唐爲破州後改爲峽而印文則爲峽州元豐中卽官何洵直建言峽與陝相亂請改鑄印文從峽至喜亭記歐陽公撰黃魯直書東山寺亦見歐陽公詩在指至喜門五里晚集于楚雲樓過爾雅臺錦障亭爾雅臺者圖經以爲荆景純註爾雅于此八日過下牢關歐陽公有詩云入峽水漸曲轉灘山更多卽此也登三游洞泊石牌峽九日過扇子峽登蝦蟆碛碛洞相對稍西有一峯孤起侵雲名天柱峯自此勢稍平晚次黃牛廟山復峻其下卽無義灘十日早過鹿角虎頭史君諸灘泊城下歸州秭歸縣界也至白沙市

黃牛峽城西此一山山上有伍子廟十一日過逆洞灘灘惡乃陸行過之晚泊馬肝峽口十二日過東瀟灘其旁有獅子岩十三日舟上新灘南峽曰官漕北曰龍門爲峽中最險處游江瀆北廟十

四日晚渡江南登山至江濱南朝十五日過白狗峽十
六日到歸州卧牛山臨江前卽人鮮瓊十七日集于望
洋堂玩芳亭十九日訪宋王宅在梯歸縣之東二十日
出巫峽門過業灘亦名灘也二十一日舟中望石門關
僅通一人行天下至險也晚泊巴東縣二十二日發巴
東山益奇二十三日過巫山謁巫山神女祠祠正對巫
山峯巒上入霄漢山脚直插江中十二峯不可悉見惟
神女峯最爲纖麗奇峭二十四日早抵巫山縣二十六
日入瞿塘峽兩壁對聳上入霄漢其平如削仰視天如
瓦練過望燒泉晚至瞿唐關唐故夔州與白帝城相
關西門正對灩澦堆自關而東卽東屯少陵故居也二
十七日早至夔州州東南有八陣蹟孔明之遺也

記自蜀出峽江山

五月離成都泊舟合江亭下合江者乃岷江別派自永
康灘堆入成都及彭蜀諸郡合于此下新津亭之上曰
黃華樓其西則萬里橋六月己巳朔下彭山縣單騎轉
城過東北門又轉而西走岷山五十里至郫庚午至永
康軍崇德廟在運城西門外山上秦太守李冰父子廟
食處也辛未登城西樓其後皆西戎山西門名玉疊關
將至青城當再繩橋晚至青城山曰寶仙九室洞天夜

宿丈人觀觀丈人峯癸酉自丈人觀西登山五里至上
清宮最高峯之頂岷山數百峯悉在欄杆下雪山在西
域去此不知幾千里瞭然見之甲戌早頓長生觀乙亥
發青城縣丙子至蜀州丁丑早頓江源縣宿新津縣成
都萬里橋之江與岷江合派于此巳卯以小舟至彭山
午後至眉州城外江卽玻璃江也壬午至中岩後西州
甲申至嘉定壬寅至王波渡宿癸卯至羅護鎮百里至
捷爲縣甲辰發下填百里至叙州宣化縣百二十里至
叙州叙州卽古戎城也乙巳發叙州十五里南廣江來合
大江通百二十里至南溪縣四十里至瀘州江安縣百
二十里至瀘州戊申至合江縣巳酉至恭州江津縣庚戌
發泥培至恭州自此入峽路大抵西川至東川風土不
同至峽益陋辛亥發恭州嘉陵江江自利閬果合等州
來合大江百四十里至涪州樂温縣七十里至涪州過
州入黔江泊此江自黔江來合大江壬子至都都縣遊
仙都觀癸丑至忠州宿萬州甲寅至開江口水自開達
來合大江乙卯至夔州丙辰泊夔是夜水忽漲及
排亭丁巳至瞿塘口水平如席獨灩澦之頂猶有紋淺
灩舟拂其土以過而黑石山最號險惡十五里至大溪
口水稍闊木稍遠夔峽之險也七十里至峽山縣戊午

乘水退巫峽難至神女廟廟前難尤洄怒二十里至東
 奔難高浪大過巨船掀舞不當一葉二十里過巴東縣
 九十里至歸州未至州數里曰叱難其險又過東奔連
 接新城下大灘曰人作難也未泊歸州戊辰發歸州五
 里至白狗灘三十里至新灘此灘惡豪三峽人十里至
 黃牛峽上有洛州廟黃牛之神也亦云助禹所疏川者
 順流過扇子峽則峽中灘盡矣三十里得南岸平地曰
 平善埧出峽舟至是皆相慶如更生三十里至峽州

漢水



漢水入江
 大別山
 漢陽縣

漢水考

蟠冢導漾東流為漢又東為滄浪之水過三澨至於大別南入于江東匯澤為彭蠡東為北江入於海

重蟠冢之山漾水出焉禹則自蟠冢而導之濬其源也東流則為漢焉漢即漾也而易其名又東流則為滄浪之水焉滄浪即漢也而易其稱又東過三澨之水至於大別之山南入於江會同東下有朝宗之勢焉

漢水出陝西鞏昌府秦州蟠冢山為漾水東流至西和縣即入武都上祿之地名為西漢水又東流至成縣即武都郡治名六漢水折而稍西折而東南入漢中府鳳



縣過沔縣西別為潛又東合沔水東流經本府洋縣流入湖廣襄陽府即縣至均州為滄浪之水歷光化襄陽宣城荊州府荊門州潛江縣至沔陽州過三澨至漢陽縣大別山南流合於江

江南諸水總圖



圖書經

卷五十八

三十三



荆揚諸水

九州之域水居其半而山次之邑居士田又次之雖水
 由山而分實山以水而界禹貢言北條之水主于河凡
 水皆以河稱言南條之水主于江凡水皆以江稱惟其
 主于江也漾漢彭蠡皆江之所翁受而異派同歸者也
 是源之大而流之長者江也自江之左入而源流長且
 大者非漢乎自江之右入而源流之長且大者非彭蠡
 乎漢先入江後江漢同會彭蠡入海經文錯綜互見不
 可以經生交義律之矣所以經文曰嶓冢導漾東流為
 漢又東流為滄浪之水過三塗至于大別南入于江言

漢水入江止此曰東匯澤爲彭蠡東爲北江言匯澤者
乃每歲春夏江漢水漲倒入彭蠡與前彭蠡既滯義相
聯貫匯者水之勢滯者水之常也曰入于海此則言江
漢與彭蠡而同入焉如言身之左股因及夫右股以明
一體之意何必疑經文謂江與漢匯爲彭蠡亦何必直
以十三字爲當衍哉曰岷山導江東則爲沱又東至于
澧過九江至于東陵迤北會于滙東爲中江入于海言
滙卽滙澤而東迤北會正言江之會彭蠡以入海也前
言東滙澤後言會于滙前後相承何必疑其滙于漢亦
何必疑滙字或多而或誤哉蓋彭蠡方廣數百里自

九江郡以上發源章貢合言之王江廬江恩江袁之泉
江臨之清江瑞之蜀江會爲南昌之章江又建之盱江
撫之汝水寧之修水信之上饒江弋陽江饒之鄱江錦
江共諸郡邑之水滯爲彭蠡故春夏水溢則壅遏不通
雖因江漢阻塞而實有滙入之勢至於中江北江安知
非當時之通稱哉或曰彭蠡咸指爲今之鄱陽湖矣又
有謂卽今之巢湖方與東滙文義合何如曰荆揚之水
莫踰江漢其次莫如鄱湖經文叙九州之水反於數百
里之鄱湖滯數千里之水畧而不叙無是理也然或彼
或此猶可說也陽鳥攸居迄今如故此亦可以意見更

改之哉或曰揚州獨舉震澤彭蠡二湖何也曰揚之水
 自淮以南有廣于二湖者乎蓋言水而不及山則水亦
 無有而分之矣南條之山自岷至衡一支盡于九江之
 西其一支又南而東渡大庾北徑袁柳盡於廬阜水皆
 東流其一支又南而東度大庾北趨信衢介徽歙而抵建
 康由徽饒而上岡春以西之水皆西流淮為彭蠡岡春
 以東之水南則浙江北則震澤也所以金仁山謂彭蠡
 之水不滯則今江東西諸州之水為揚西偏之患震澤
 之水不泄則今浙西諸州之水為揚東偏之患揚雖北
 之漑而于徐已書又雖中貫江而于荆已書朝宗獨大

江之南西偏莫大于彭蠡東偏莫大于震澤二患既平
 則揚之士皆治矣發明經文可謂無餘蘊也或曰揚之
 彭蠡震澤二湖其廣不能踰荆之洞庭也經文何不叙
 之九江孔殷潛沱既導若謂九江非今郡地抑又何指
 耶曰九江即洞庭也江自出峽以來上截所受之水惟
 洞庭之源流最廣如江陵所記九江源委頗詳曰瀟江
 湘江蒸江資江沅江漸江淑江辰江西江會而為洞庭
 焉想禹時尚支分為江自後遂會為湖而以湖名也其
 實彬水發源袁吉之武功北入湘江與沅江俱視九江
 為最遠凡武功之水西流者盡入洞庭東流者盡入翻

湖故經文過九江至康陵會于滙可見禹于洞庭鄱陽
二湖之水與江會次第亦甚明矣以曰叙導江而于中
乃稱九江則其所謂三江果不必在但九江爲中江漢爲
北江彭蠡爲南江即曰叙揚州之水不必遠蕪夫荆此
不必辨蓋震澤即今之太湖而太湖之下三江入海本
謂吳淞江與松江婁江爲三今皆可據况荆之九江本
在乎上楊之三江在乎下又何必強爲之說哉若夫山
之由大庾北趨界信衢者一支包有浙江福建又一支
由大庾東趨包有廣東水各入海而東南之水盡矣

三江九江彭蠡敷淺原辨

朱子

潘家導漾東流爲漢又東爲滄浪之水過三塗至於大
別南入於江東滙澤爲彭蠡東爲北江入於海又曰岷
山導江東別爲沱又東至于澧過九江至於東陵東迤
北會于滙東爲中江入於海又曰岷山之陽至于衡山
過九江至於敷淺原此皆禹貢之文也古今讀者皆以
爲是既出於聖人之手則固不容復有訛謬萬世之下
但當尊信誦習傳之無窮亦無以疑其事實是否爲也
是以爲之說者不過隨文解義以就章句如說九江則
曰江過尋陽派別爲九或曰有小江九北來注之說彭

蠡則曰漢水所匯而江水亦往會焉說北江中江則曰漢既匯而出爲北江江既會而出爲中江也說九江則但指今日江州治所以當之說敷淺原則但以爲漢歷陵縣之傳易山在今日爲江州之德安縣而已如是而言始爲誦說則可矣若以山川形勢之實考之吾恐其說有所不通而不能使人無所疑也若曰派別爲九則江流上下洲渚不一今所計以爲九者若必首尾短長均布若一則橫斷一節縱別爲九一水之間當有一洲九江之間沙水相間乃爲十有七道於地將無所容若曰參差取之不必齊一則又不知斷自何許而數在也

以洲渚出沒其勢不常江陵先有九十丸洲後乃復生一洲是豈可以爲地理之定名乎此不可通之妄說也若曰旁計橫入小江之數則自岷山以東至入海處不知其當爲幾十百江矣此又不可通之妄說也且經文言九江孔殷正以見其吐吞壯盛浩無津涯之勢決非尋常分派小江之可當又繼此而後及夫沱潛雲夢則又見其決非今日江州甚遠之下流此又可以證前二說者爲不可通之妄說也若曰漢水匯爲彭蠡而江水亦往會焉則彭蠡之爲澤也實在大江之南自今江州湖口縣南跨南康軍饒州之境以接于龍興府之北瀾

漫數十百里其源則東自饒徽信州建昌軍南自贛州
南安軍西自袁均以至隆興分寧諸方數千里之水皆
會而歸焉北過南康楊瀾左里則兩岸漸迫山麓而湖
面稍狹遂東北流以趨湖口而入于江矣然以地勢北
高而南下故其入于江也反爲江水所遏而不得遂因
卻而自豬以爲是瀾漫數十百里之大澤是則彭蠡之
所以爲彭蠡者初非有所仰於江漢之滙而後成也不
唯無所仰於江漢而衆流之積日過日高勢亦不復容
江漢之來入矣又况漢水自漢陽軍大別山下南流入
江則其水與江混而爲一至此已七百餘里矣今觀
此而後一先一後以入于彭蠡既滙之後又復循次
而出以爲二江則其入也何以識其爲昔日之漢水而
先行何以識其爲昔日之江水而後會其出也何以識
其爲昔日之漢水而今分以爲之北何以識其爲昔日
之江水而今分以居中耶且以方言之則宜曰南會而
不應曰北會以實計之則湖口之東今但見其爲一江
而不見其分流然則所謂漢水滙爲彭澤而江水亦往
會焉者亦不可通之妄說也此數說者既無一之不窮
於是味別洲別之說出焉而終亦不免於窮也蓋曰味
別則不知凡禹之所爲過門不入胼手胝足而不以爲

病者爲欲大濟天下昏墊之民。使得平土而居。以衣且食而遂其生耶。抑如陸羽張又新輩。但欲較計毫分於齒頰間。以爲茗飲一時之快也。嗚呼。彼以是而說者。亦可謂董駮不思之甚矣。且河之所會。漆沮涇渭。伊洛灋澗。支川尤多。而初無味別之說。濟之所經。或潛或見。或止或流。其變不一。而初無味別之說。何獨至此而辨之。若是悉耶。此又可見其爲不通之妄說也。若曰洲別。則又九江之鑿。吾旣辨於前矣。若果如此。則漢水入江之後。便須常有一洲介於其間。以爲江漢之別。而湖口入匯之處。又當各分爲二。以爲出入之辨。而後可也。今皆無之。而湖口橫度之處。予常過之。但見舟北爲大江之濁流。舟南爲彭蠡之清漲而已。蓋彭蠡之水。雖限於江。而不得洩然。及其旣平。則亦因其可行之隙。而又未嘗不相持以東也。惡睹所謂中江北江之別乎。此又可見其爲不通之妄說也。若曰古之九江。卽今之江州。古之敷淺原。卽今之德安縣。則漢九江郡本在江北。而今所謂江州者。實武昌郡柴桑縣。後以江北之潯陽名。後又因潯陽而改爲江州。實非古九江地也。又况經言過九江。至於東陵。而後會于彭蠡。則自今江州城下。至湖口縣。纔四十里。不知東陵的在何處。何所表異。而其志之

繁密促數乃如此又曰過九江至於敷淺原則已自江
州順流東下湖口又復泝流南上彭蠡百有餘里而後
至焉亦何說哉此又不可通之妄說也至於今之所謂
敷淺原者爲山甚小而卑不足表見而其全體正脉遂
起而爲廬阜則甚高且大以爲盡乎大江彭蠡之交而
所以識夫衡山東過一支之所極者唯是乃爲宜耳今
皆反之則吾恐其山川之名古今或異而傳者未必得
其真也凡此差舛其類不一讀而不思思而不考者旣
昏昧鹵莽而無定言矣其間亦有心知其誤而口不敢
言乃反爲之遷就穿鑿以蓋其失者則其謬愈彰使
識之士讀之愈疑而愈不敢信唯

朝初胡秘監旦近世晁詹事說之皆以九江爲洞庭則
其援正皆極精博而莆田鄭樵漁仲獨謂東滙澤爲彭
蠡東爲北江入于海十二字爲衍文亦爲得之予旣曰
睹彭蠡有原兩江不分之實又參之以此三者而深以
事理情勢求之然後果得其所所以誤也蓋水之患唯河
爲甚而交州乃其中流水曲而流緩地平而土疎故河
之患於此爲尤甚是以鑿治之功十有四載然後同於
諸州竊計當時唯此等處事急民困勢重役煩禹乃親
涖而身督之不可一日而舍去若梁雍荆揚地偏水急

不待疏鑿固已通行則分遣官屬往而視之其亦可况
 彭蠡洞庭之間乃三苗氏之所澤當是之時水澤山林
 深昧不測彼方負其阻險頑不即工則官屬之往者固
 未必遽敢深入於境是以但見為彭蠡之澤而不知其
 源之甚遠而且多但見洞庭下流之已為江而不知其
 中流之常為澤而甚廣也以此致誤宜無足恠若其用
 字之同異則經之凡例亦自可考顧有未深思耳今
 但刪去東淮北江之衍字而正以洞庭為九江更以經
 之凡例通之則過九江至於東陵者言導岷山之水而
 是水之流橫截乎洞庭之口以至東陵也是漢水過三

楚之例也過九江至於敷淺原者言導岷陽之山而導
 山之人至於衡山之麓遂越洞庭之尾東取山路以至
 乎敷淺原也是導岷岐荆山而逾于河以蓋常竭之例
 也以是觀之則經之文意不既明乎若更以他書考之
 則山海經云廬江出三天子都本注云一作鄣今按丹陽故為障郡其得名蓋以此則作鄣為是入江彭澤西本注云彭澤今彭蠡也在鄣陽彭澤縣漢志亦云
 廬江出陵陽東南北入江蓋陵陽者丹陽之屬縣今寧

國府旌德縣而有陵陽山而三天子都屈在徽饒之境
 疑與陵陽腹背相直故廬江者得出其東南而西流北
 折以為鄣餘二水遂以會于彭蠡而入于江也及其入

江則廬山屹立乎其西南而江之北岸即為郡之南境
 疑江與山相因以得名而郡境雖在江北亦以其南直
 此江北山而名之也然則彭蠡安得為無源而必待漢
 滙江會而成哉漢志豫章為郡領縣十八其彭蠡縣下
 注云禹貢彭蠡澤在西其餘則言水入湖漢者八鄱陽
餘干餘水艾修水塗淦水南城所入大江者一顏豫而
水建城蜀水宜春南水南檉彭水
 湖漢一水則又自雩都東至彭澤入江行千九百八十
 里也按今地勢彭蠡既與江通而豫章諸水不由彭蠡
 別無入江之路則湖漢者即是彭蠡而其所受眾水之
 原又不止廬江而已也以此而觀則山海經之言

未盡且其曰入江彭澤西者本謂逕彭蠡縣之西而入
 江耳而語意不明遂若折江與澤合為一水而一東一
 西以入江者此亦其立言之疵也漢志又自不知湖漢
 之即為彭蠡而兩言之又不知入大江者亦潞於彭蠡
 而別為一例又不知湖漢之為湖正以其澤名之而復
 兼以漢稱則又承禹貢之誤而弗深考也至於雩都之
 水則但見其為一郡眾流之最遠者而遂推為湖漢之
 源以主其名則又不知湖漢之名初非一水必自隆興
 以北眾水皆會潞為大澤然後可以名之非雩都一水
 所可得而專也至於鄭漁仲漢水衍文之說固善矣而

其下文江水東迤北會于滙東爲中江入於海之數言似亦可疑而彼猶未能盡正也嗚呼禹貢所載者九州之山川吾之足迹未能遍乎荆揚而其所可疑者已如此不知耳目見聞之所不及所可疑者又當幾何是固不可得而知矣至於經之凡例本自明白而諸儒乃有過爲新奇之說以亂之者若論導山而逾于河而以爲導岍岐荆山之脉使之度河以爲壺口諸山之類則亦不待聞見之及而知其謬矣夫禹之治水隨山刊木其所表識諸山之名必其高大可以辨疆域廣博可以民居故謹而書之以見其施功之次第初非有意推

脉絡之所自來若今論葬法者之所言也若必實以山脉言之則亦自有可言而充足以見其說之謬者蓋河北諸山本根春脉皆自代北寰武嵐憲諸州乘高而來其春以西之水則西流以入龍門西河之上流其春以東之水則東流而爲桑乾道幽冀以入於海其西一支爲壺中大岳次一支包汾晉之源而南出以爲析城王居而又西折以爲雷首又次一支乃爲太行又次一支乃爲常山其間各隔沁潞諸州不相連屬豈自岍岐跨河東度而反爲是諸山哉若過九江至於敷淺原亦有襲其謬者以爲衡山之脉東度而來則以見聞所及而

知其必不然也。蓋岷山之脉，其一支爲衡山者，已盡於九江之西；其一支又南而東，度大庾者，則包湘原而北，徑潭袁之境，以盡於廬阜；其一支又南而東，度大庾者，則包彭蠡之原，以北至乎建康；其一支則又東，包浙江之原而北，其首以盡于會稽，南其尾以盡乎閩越也。豈衡山之脉能度九江，而其度也又直爲敷淺原而已哉？又有欲以揚州之三江，卽爲荊州之中江、北江，而猶病其闕一，乃顧彭蠡之餘波，適未有號，則姑使之潛冒南江之名。以是且其數且又自謂聖經書法之妙，非他人之所及，是亦極巧而且新矣。然自湖口而下，江本無二，安得有二三？且於下文之震澤，又懸隔遼遠，而不相屬也。則又安能曲說而疆附之哉？問諸吳人，震澤乎流，實有三江，以入于海，彼旣以目驗之，恐其說之必可信，而於今尚可考也。因并論之，以俟來者質焉。

江防總叙

嘗閱三國志，魏文帝至廣陵，臨江見波濤洶湧，歎曰：嗟乎！天所以限南北也。而宋劉琨亦言：金陵天險，前據大江北，軍飛渡，韓擒虎之濟采石，陳人不覺，則雖有勝勢，亦恃吾所以守禦之者何如耳。呂頤浩有言：諸郡自荆南

抵儀真可渡處甚多豈不預爲計望置使兩員一自鎮江至池陽一自池陽至荆南專提督造船且詢水戰利害但當時宋遷都建康恃江爲守故有此論今天下一統其要害固不繫長江然潢池之警彘羈發不時願浩浩船水戰之說可無豫爲之計乎是故操江巡江各有專寄而江防之設雖以備水寇其所以爲建康之守禦者亦豫且密矣長江天塹尚慎旃哉

南直隸江防事宜

查得牒江都御史原奉

勅書專管沿江一帶上自九江下至鎮江及通常狼福等處先年承平無事專一操練水兵禁戢鹽盜用重留都之衛以爲江海之防一應兵事盡屬操江近緣倭變大江南北道臣俱兼提督軍務之任有所錢糧兵馬各歸撫屬體勢恒專調度自便而操江大臣仍照舊

勅參錯行事臨警倉皇未免掣肘所以該科長慮有此建白看得長江南北自瓜儀鎮江之下有山破江而生名曰圍山此誠留都之門戶而江海之噤吭也春汛之際南北撫院俱各設有兵船會哨防守自此以下接連海洋江面闊遠北有周家橋大河口掘港等把總而以狼山副總兵統之南有靖江福山乍浦等把總而以金山

副總兵統之各為軍門專屬若復參以操江權任並大
 調度殊方使承行者無所歸心而前却者有以藉口或
 垂進止之宜恐非備禦之策况操院之設不妨院事專
 管操江帶管巡官乃今急遠憂而忘內顧畧專任而重
 帶似亦非命官之初意也合無自今以後上自九江下
 至江南圍山江北山江會口為操江信地如遇信警但
 在圍山三江會口以下專責南北督撫嚴督將領之類
 畢力堵截圍山以上逼近留都南北督撫仍與操江互
 為應援不許自分彼此致失事機及查圍山把總原設
 兵船向係江南巡撫管轄今信地既分前總應分

操江提督所有兵船器械糧餉成造修理等項仍照舊
 規於江南辨給與操江衙門見後官者兵勇三百員各
 相防守其三江會口先該操江都御史間議題添設把
 總咨行巡撫會節經總巡撫督議題定派各屬如徵軍餉
 銀二萬兩扣減民壯弓兵銀一萬三千零四十二兩二
 錢又原議事寧減免江洋歲支必致乏絕倉卒之際復
 議派徵是無裨於寬卹而適增其科歛也合無將節年
 定派操江軍需俱照成規不必加減仍嚴行各屬如期
 徵解歲支之外稍有存餘聽行收貯以備緩急不許別
 項支銷再照車行百里例有行糧若召募之衆日有常

支原無此例惟是交仗對壘之際憫其勤勞時有犒恤
今遊兵俱召募而營兵例無外援若以預處行糧更議
分派不免異同徒為紛擾萬一警報非常內地孔棘則
南北督撫俱同憂責又須別為權且互相接濟非可預
擬而定設也

江淮總兵官之設本為靖肅江洋輯寧地方上以制瓜
儀之盜賊下以鎮通泰之鹽徒所以屏翰留都防護運
道者也設必於鎮江者蓋以路通南北地扼咽喉金山
備倭在其南儀真守備在其北適中可以調度扼險
以設防取其傳報易而策應速也

南直隸江防兩營信地

南岸安慶營

元字號哨官樓船一隻常汨黃石磯上哨自馬當起下
哨至崩灣止計一百五十里 自馬當紫磯牛磯墩至香
口止四十里 元字一號哨官船一隻 彭澤縣哨船一
隻 馬當巡司船一隻 共官船 自香口黃家嘴烏石磯

至東流止三十五里 元字二號哨官船一隻 香口土

官巡船一隻

共為一聯

自東流迤龍山祝家磯至吉陽止

三十里 元字四號兵船一隻 東流縣哨船二隻 共為

一聯 自吉陽馬家磯黃石磯至崩灣止四十五里 元

字五號兵船一隻 東流縣哨船一隻 吉陽巡司船

一隻 共為一聯

亨字號哨官樓船一隻常泊李陽河上哨至崩灣起下

哨至池口止計一百四十里 自崩灣鴈汊下烟墩至

黃益止四十里 亨字二號兵船一隻 吉陽巡司船一

隻 李陽巡司船一隻 共為一聯 自黃益丁家港牛頭山

至李陽河止三十里 亨字三號槳船一隻 貴池縣

哨船一隻 李陽巡司船一隻 共為一聯 自李陽河黃公

山烏沙夾上口至中口止三十里 亨字四號槳

隻 池州府一號二號槳船二隻 共為一聯 自烏沙

口軍渡灣下烟墩至池口止三十里 亨字五號兵船

一隻 池州府三號槳船一隻 池口巡司哨船一隻

共為一聯 專守烏落洲池州府四號槳船一隻

荻港營

仁字號哨官樓船一隻常泊大通上哨自池口起下哨

至老鸛嘴錢家灣止計一百八十里 自池口芭奔港

麻埠壩至仙姑廟止三十里 仁字二號兵船一隻

池州府下哨船一隻 池口巡司船一隻 共為一聯 自仙

姑廟郭港梅港河至五埠溝止三十里 仁字三號兵

船一隻 池州府哨船一隻 貴池縣哨船一隻 共為一聯

自五埠溝程家溝大通河至洋山磯止三十里 仁字

一號樓船一隻 大通巡司哨船二隻 共為一聯 自洋山

磯橫港馬石磯至銅陵河止三十里 仁字四號兵船

一隻 銅陵縣哨船一隻 大通巡司船一隻 共為一聯

自銅陵河長山磯丁家洲至老鸛嘴止三十里 仁字

五號兵船一隻 銅陵縣哨船二隻 共為一聯 自六百丈

中江起至斷腰三江口止 銅陵縣哨船一隻 青陽

縣哨船二隻 共為一聯遊巡夾江一帶

禮字號哨官樓船一隻常如三山上哨自張潭起下哨

至大信四合山止計二百四十 自老鸛嘴錢家灣張灣

潭至胭脂夾止三十里 禮字二號兵船一隻 石埭

縣哨船一隻 繁昌縣哨船一隻 共為一聯 自胭脂夾荻

港河板子磯至舊縣止三十里 禮字三號兵船一隻

繁昌縣哨船一隻 建陽衛巡船一隻 共為一聯 自舊縣

黃石磯高安橋至宗三廟止三十里 禮字四號兵船

一隻 繁昌縣哨船一隻 荻港巡司船一隻 共為一聯

自宗三宗廟鷄頭山龍王磯至三山止三十里 禮字

一號樓船一隻 建陽衛巡船一隻 三山巡司船一

隻 共為一聯 自三山楊家套螃蟬磯至魯港止三十里

蕪湖縣哨船二隻 河口巡司船一隻 共為一聯 自魯港

蕪湖河弋磯壘至稀泥港止三十里 蕪湖縣哨船二

隻 禮字五號兵船一隻 共為一聯 自稀泥港四合山黃

泥灘至大信止二十里 蕪湖縣哨船一隻 建陽衛

哨船一隻 大信巡司船一隻 共為一聯

北岸安慶營

利字號哨官樓船一隻常泊楊灣上哨自小孤史家港

起下哨至洲頭口望江界止一百七十里 自史家溝

毛湖洲沙灣角至朱福溝止五十里 利字二號二號

兵船二隻 宿松縣哨船一隻 共為一聯 自朱福溝楊灣

中夾口至黃家墩止三十里 利字五號六號兵船二

隻 小孤巡司船一隻 共為一聯 專守沙灣角利字四號

兵船一隻 自黃家墩急水溝孫家洲至桃樹灘止三

十里 利字七號兵船一隻 望江縣巡船一隻 楊

灣巡司船一隻 共為一聯 自桃樹灘雷溝蓮花洲至卞家

套止三十里 上江總巡二號船一隻 利字九號兵

船一隻 雷港巡司船一隻 共為一聯 自卞家套林家灣

至洲頭口止三十里 利字八號兵船一隻 雷港巡

司船一隻 共為一聯

貞字號哨官樓船一隻常泊馬踏石上哨自洲頭口起

下哨至老洲頭止計一百九十里 自洲頭口張風套

海口至觀音港止三十里 貞字二號兵船一隻 懷

寧縣哨船一隻 長楓夾巡司船一隻 共為一聯 自觀音

港上夾口桑園至竺家嘴止三十里 貞字三號兵船

一隻 安慶府巡船一隻 懷寧縣巡船一隻 共為一聯

自竺家嘴黃泥溝前江溝至柘家灣止二十五里 貞

字四號兵船一隻 安慶府巡船一隻 長楓夾巡司

船一隻 共為一聯 自柘家灣三江口新開灣至馬船溝止

五十里 貞字五號六號兵船二隻 馬踏石巡司船

一隻 共為一聯 自馬船溝花洋灘楊樹灘至源子港止三

十里 貞字七號兵船一隻 下總巡二號兵船一隻

桐城縣巡船一隻 共為一聯 自源子港武梁洲老洲灣至

老洲頭止三十里 貞字八號槳船一隻 安慶衛哨

守千百戶船二隻 共為一聯

荻巷營

義字號哨官樓船一隻常泊灰河鎮上哨自老洲頭起

下哨至泥汊河止計一百五十里 自老洲灣老洲頭

王家嘴至六百丈止三十里 義字二號兵船一隻

桐城縣哨船一隻 六百丈巡司船一隻 共為一聯 自六

百丈柞樹嘴爛泥灘至灰河止三十里 義字三號兵

船一隻 桐城縣哨船一隻 六百丈巡司船一隻 共為一聯

一 自灰河馬頭嘴土橋至宗三廟止三十里 義字

一號樓船一隻 土橋巡司哨船二隻 共為一聯 自宗三

廟省潭灣鱗魚嘴至宋家灣止三十里 義字四號五

號兵船二隻 無為州巡船一隻 共為一聯 自宋家灣鯉

魚套橫路口至泥汊止三十里 義字六號兵船一隻

無為州巡船一隻 泥汊巡司船一隻 共為一聯

智字號哨官樓船一隻常泊冊港上哨自泥汊河起下

哨至牛屯張家溝止計一百五十里 自泥汊龍池套

薛家灣至燕家灣止三十里 智字二號兵船一隻

無為州哨船一隻 泥汊巡司船一隻 共為一聯 自

灣冊港傅家灣至石板州止三十里 智字一號樓船

一隻 智字三號沙船一隻 冊港巡司船一隻 共為一聯

自石板洲新洲夾牛門河至惡江嘴止三十里 智字

四號兵船一隻 無為州哨船一隻 冊港巡司船一

隻 共為一聯 自惡江嘴上新溝下新溝至田家溝止三十

里 智字五號兵船一隻 和州哨船一隻 裕溪巡

司船一隻 共為一聯 自田家溝裕溪張家溝至西梁山止

三十里 智字六號兵船一隻 裕溪巡司船一隻

牛屯巡司船一隻 共為一聯

議定班聯

夫水兵自爲水兵，則其禦盜與爲盜莫可詰。民兵自爲民兵，則其在船與不在船不可知。故信地水兵，派船一隻必用府縣巡司船二隻，以三隻爲一聯者，乃相維相制義也。又往時壯快弓兵盡派出江，以致一查點外盡皆不在，皆以土著之民而日責以遊巡，勢勿能也。今計其原額名數多寡，分班出哨，大率以一班出江遊巡，一班更休後遣，不惟便情亦可行法。故爲之議班聯凡五款。

一、南北兩岸大約每信地三十里，派兵船一聯，各信地內大約岸上一墩則江上一船，日則分而爲三，以相接會，夜則聚而爲一，以相覺察。每日於信地內輪流哨會，永爲定守。

一、信地有水兵船一隻，必派府衛州縣巡司民兵船二隻，共爲一聯。如水兵船不在，則民兵船報巡江官，轉報江防官，速報本道。如民兵船不在，則哨官報總官，速報本道，以憑各行鞫究。

一、民兵船有分二班者，一班出江，一班休息，有三班者，以二班出江，一班休息，有不分班者，必其工食與水兵等者也。以上各船俱聽哨官約束查點，凡輪出江

之月有不在船者除本兵綱打外盡追一年工食入官

一府民快下班者卽應於府江防廳聽用州縣民快下班者卽於州縣巡江官聽用弓兵下班者卽應於巡檢處聽用其一應比較齊通俱於下班者撥用並不許再將出江兵船差遣違者重究

一民兵船出江之月船多者人船俱換船少者換人而不換船但過初二日不赴更換者哨官卽便報來以憑拿究

議定會哨

夫兩岸官兵分派信地聯三爲一遊巡有重兵布絡有專哨盜固屏遠矣但法令滋久則漸玩兵心不束則易弛相應立法會哨以別勤惰以課功罪故爲之議會哨凡五款

一兩營備總官奉

題准事例俱遵操院憲單安慶守備逢二日會南湖守備於上水逢六日會荻港把總於下水荻港把總逢六日會安慶守備於上水逢二日會遊兵營把總於下水軍衛自巡江指揮以下有司自巡江丞簿以下悉聽查照但有不到者開報本道與操院詳奪

一兩營哨官俱照本道憲單接會入正定安慶營元字號
哨官逢三日上與彭澤縣巡江官接會七日下午與東流
縣接會亨字號哨官逢三日上與東流縣巡江官接會
逢七日下午與池州府巡江官接會利字號哨官逢三日
上與望江縣巡江官接會逢七日下午與安慶府巡江官
接會自字號哨官逢三日上與懷寧縣巡江官接會逢
七日下午與安慶衛守老洲頭哨官接會如荻港營仁字
號哨官逢三日上與貴池縣巡江官接會逢七日下午與
繁昌縣巡江官接會義字號哨官逢三日上與銅陵縣
巡江官接會逢七日下午與蕪湖縣巡江官接會禮字號
哨官逢三日上與安慶衛老洲頭哨官接會逢七日下午
與無爲州巡江官接會智字號哨船逢三日上與無爲
州巡江官接會逢八日下午與和州巡江官接會如安慶
衛上巡江指揮逢一日與九江衛巡江官接會下巡江
千戶逢五日與建陽縣巡江指揮接會建陽衛哨官逢
二日上與當塗縣巡江官接會逢六日下午與遊兵營第
三哨哨官接會凡遇會哨之日但有不到者徑註單內
繳報其有司巡江職官俱各如期而至毋許相左俱取
各官私記關防爲准其信地內巡檢土官悉聽查點但
有違抗開報備總官轉報本道詳奪

一岸^上墩江上一船岸有警則報船江有警則報墩相
 應相接地里均矣但一聯之中須以水兵為主如輪日
 信地哨船有功水兵同之各船次之如輪日信地哨船
 失事水兵亦同之各船次之凡信地在一聯之內水兵
 不得推諉如哨官船以接會不在乘船代在信地接會
 不許並出但私回不到查發本船細打追工食外一連
 同罪失事隱匿查發信地哨官細打外把總官參究

一兩岸兵船每日於細分信地擺列凡遇三府江防官
 將本道會哨簿發到本船即於簿空格內填註姓名并
 接到日期地方於前件下填註有事無事及陰晴風雨

緣由自上水來者即刻遞下自下水來者即刻遞上各
 船照前填註接會但有不在信地者即於簿格內填註
 其信地其船官兵不在越過徑交與上下手官兵接去
 兩岸一週仍送江防官轉報不到者本道徑拿細打仍
 追工食充越過官兵之賞如將會簿遞墩者細究

一安池大江防官本道各印發循環會哨簿二本各江
 防官即於本府信地不拘上水下先發一本以次兩
 岸接會一週一面將簿內查覈有無不到稽誤緣由連
 簿報道一面再發一本接會各江防官凡遇暇日仍親
 自出江查點如此而官兵有不在江上者寡矣

江西江湖要害

長江一帶自吉安府起至峽江縣中間 張家渡

天井壩 狗子嶺 牛口江 龍丘 雲洲 或居民

寫遠 墨潭 桐江橫 釣魚臺 或四壁皆山其

富口 石窩 二處雖有人烟尤多土賊 峽江縣起

至豐城縣中間 桐江 墓膳 烏口 象口 蓮花

潭 長掛 城排 城頭潭 橫梁 孔埠 枯州

斗角灘 涼傘洲 拖船埠 黃埠腦 安沙壩

老蛤石 小港口 漳湖渡 龍霧洲 象牙潭

湖沈灣 數處港口交雜人烟稀疏尤為盜賊出沒

藏之所從此入東湖有 黃溪渡 趙家圍 白沙寨

漁門寨 樊西寨 焦湖埧口 龍山 鄒子 梅岐

寨 南山埂 康山上下 蛇山 五谷潭 棠陰

柴棚 瑞洪 四山 三山 又自樵舍 昌邑 迤

西至具城轉折三橫及中洲等處入西湖 倉敷洲

兩河口 松門 吉山 鸞子口 洋瀾 渚溪

左蠡 青湖 洲山 青山 大孤山 從此出江則

城子鎮至馬當內有 新開口 小池口 楊家穴

南湖嘴 沿洲港 鱖魚嘴 黃茅潭 小孤嶽

茅湖夾 女兒港 以上各處所俱稱要害春夏水漲

港嶼瀾漫盜賊揚帆縱槳勢或難當秋冬水涸支港縱橫盜賊船舶伏岸防或不及甚當晏昶早住務要趕趁地頭不可貪程夜行及聽稍子哄誘致其通賊自害自吉安府萬安縣良口起至九江府彭澤縣馬當鎮止通計要害地方八十一處

守備巡湖巡江巡河巡捕巡司等官共四十員
座哨戰船共一百四十二隻 水手共一百名
添設遊兵除江道不用外每遇春夏水漲之時東湖梅岐寨添委饒州所百戶一員帶領哨船八隻精兵一百四十名皖山寨添委饒州所百戶一員帶領哨船七隻精兵一百三十名往來巡邏

